

## NPLD SUMMER UNIVERSITY ospitade a Udin

Ai 13 e ai 14 di Setembar dal 2018 Udin al sarà la capitâl des politichis linguistichis europeanis. La sinergjie jenfri Agenzie Regjonâl pe Lenghe Furlane e il *Network to promote linguistic diversity*, cun di fat, e puartarà in citât il prin incuintri de *Summer University*, il gnûf progjet targât NPLD.

«E sarà une oportunitât uniche pe nestre Regjon – al spieghe il diretôr de ARLeF, William Cisilino – par vie che o screarìn propit achì di nô la *Summer University* che NPLD al à decidût di inviâ tacant cun chest an. O ospitarìn in Friûl i docents plui impuartants e i esperts a nivel mondiâl su lis politichis linguistichis».

L'event formatîf al è indreçât ai components dal *Network*, che a rapresentin cuasi vincj guviers regjonâi e statâi europeans li che a son presintis minorancis linguistichis. La iniziative e à vût il patrocini impuartant e il finanziament de Fondazione Coppieters di Bruxelles, specializade in federalisim e politichis linguistichis, e e viodarà la partecipazion di rapresentants dal Consei de Europe e de Comission europeane.

I components dal *Network* a varan maniere di cognossi Udin e il Friûl intai lôr diviers aspiets, ancje chel enogastronomic: l'event, cun di fat, si davuelzarà intai stes dîs di Friuli Doc, vetrine principâl des ecelencis agroalimentârs de nestre regjon.

*Udine, ai 11 di Jugn dal 2018*

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<<<